

七

錄

齋

詩

鈔

七錄齋詩鈔卷八

山陽阮葵生吾山

蓮花峯弄月歌爲徐大作

蓮花峯峯高聳入青冥中雲氣千年自虧蔽想見
仙靈時與通上有芙蓉千朵吐翠莢下有紅泉萬
派鳴琤琮攀蘿躡磴苦難到誰能絕頂挾背盪心
胸松原山人古奇士發興遂欲探鴻蒙水鏡晶瑩
正圓滿瀟瀟夜氣彌空濛捫參歷井入山腹如扳
鳥道披蚕叢豁然直上出木末仰見寒烟涼霧光
溶溶左挹洪崖右挹浮邱翁直欲騁鸞駕鶴乘

風歸去廣寒宮瑤樓玉宇不知在何處微聞天香
縹緲飄晴空掬之滿手冷如雪分明欲墜聲瓏、
喝使倒行捉不得詩人豪氣將無同江南画師今
好手雲烟瀟染傳高踪披圖噴、空羨、門子何
時襪鞋采杖把臂來相從

題秦鑑泉學士瑞芝圖

華芝薰老樹秀彩耀瑤齋照眼看偏艷移根養亦
佳幾番邀賞咏詎止瑞庭階玉盞滋榮露傳觀坐
客皆

學士文章伯紗籠憶姓名高岡鳴老鳳喬木待新

鶯美瑞爭先睹清華儼繼聲披圖暗驚絕佳話紀
蓬瀛

題海上移情圖

天風浪、山蒼、東海之東波茫洋撫絃忽動水
仙操鼓宮、應商應商清冷似聽迦陵鳥此情久
已寄縹緲一彈再彈音已稀千里萬里青未了還
君此圖太息生九衢車走如雷聲

和張吾溪過寓齋夜話之作

浮湘眺岳成前度官閣題詩憶少年古寺同聽京
國雨舊遊重話洞庭舡殘衫破帽餘蕭散畫榼文

楸足靜便燭跋數條還不寐經魚永夕坐流連

張南坪自粵中來都下枉過寓齋

十年蹤跡悵睽離帝里相逢慰所思座上同傾燕
市酒袖中先出嶺南詩劇談往事情如夢觸忤愁
懷鬢欲絲便與使君商出處可能端策決羣疑

紫坪寄詩讀之殊難為懷次韵賦荅時弟
方有錢江之行並東武林諸子

與子本一體佳時各異鄉音書惜迢遞身世感蒼
茫肯薄青雲業難消白日光半生慚樸學辛苦爲

詞章

負笈思前度客寓杭州緘詩一愴神遙情若爲訴

好句亦堪珍古調寧諧俗名場獨抱真停雲空藹

藹還憶素心人謂方蘇臺立亭金懷玉卽霽川浦
聲之趙石函查茂蔭余容宣諸君

子

送戴經聞同年南歸

打包又見客裝嚴落日西山影半銜塵世恨惟投

白壁英雄泪不濕青衫烟濃古驛依、柳風引晴

波去、帆記取佛堂分火處倦遊詩句要重緘

願息存廷尉王芥子觀察徃復尺牘彙成

一冊廷尉出以屬題

交道古人重文章真有神意氣一以結金石非云
堅矧以芳桂性寫茲蘭臭言瑤華爛繭紙瓊藻敷
魚箋兩玉若相叩復壁良足珍觀察本才士尺素
緘秦閔遠心何鄭重飛句弥豐繁廷尉勵風義報
書勒平安相勗在琢切匪徒述暄寒我昔滯日下
污奉王君歡幾為剪燭話相與對榻論浮雲逐征
轡春樹懷渭川傾公令韓富廿載立清班斗山企
宿望古道照我顏城南數過從細論塲屋文商擁
共晨夕綢繆傾肺肝示我隄手跡裝池輝綾紋故
人一紙書寶貴如明玕懷袖字不滅此意何纏綿

感此交誼重把卷起長嘆寧止讀三過直欲披百
番此道幸不棄高風今猶敦顧得執鞭弭上下相
追攀

雨後過天月和尚

春去雨初霽雲光已改夏流水漲斜街欲出行復
罷
黃六
訪鄉僧方值誦
經暇花時偶閑閑坐倚茶蘼架微香細、叅落英
片、下上人談名理口若瓶水瀉我亦耽禪悅聆
之若嗽蔗門外紅塵深歸途泥沒膝平生媿行脚
從君借不借

夏夜獨坐

禪房通曲迳。白月照松篁。露下葉初墮。風來花自香。僧尋前歲約。客減向來狂。披髮容蕭散。懷鄉夢不忘。

黃氏貞節詩為彞軒題冊

江夏清風舊。頻悲黃鵠秋。秋九三世苦。冰雪一門多。勁竹來慈鳥。寒塘有孝鵞。紫輪趨日下。雙楔覆春蘿。

夏日城南訪友因過金魚池次表二寔堂韵

碧沼紅蕖散影新
隔溪誰唱五湖春
乍來廉讓之間地
同訪羲皇以上人
步屨儘堪消永晝
濯纓聊可適天真
城南十里清涼境
肯把沒韃揶揄塵

朝來餐勝信如歸
爽氣西山挹晚暉
半日偷閑容作達
一灣消夏未云非
生憎粉蝶迎風舞
苦愛沙鷗貼水飛
綠樹陰濃攤錦簟
與君相賞莫相違

一尊聊與故人同
咲謝翻漿肉汁融
水檻裁重延洛霸
湘筠百摺度熏風
酒後河朔豪猶昔
詞客江南句絕工
任孟嘗吳九峯章蒧谷皆有詩
但得林亭避炎燄
不辭

往復過詩筒

移寓後却寄同舍朱大伯纁

移家裁幾日，隔巷結遐思。
未剪窓前草，重吟卷裡詩。
定知情僕病，端恨識君遲。
獨寐渾無計，空梁月墮時。

次韵荅任孟馨見懷之作並東吳九峯章
簾谷

一時騷雅聚禪扉，江北江南各憶歸。
鄉夢經宵遊栩栩，綵毫得句想非非。
擬傳門外青絲騎，同醉尊前白紵衣。
只恐踈狂慚大雅，上方可許共因依。
長日如年闔板扉，幾番花落夢將歸。
從來找不因

人熱何必令裁悟昔非客咲獨孤常側帽誰憐沈
約不勝衣北窓日永眠清簟藥裡書籤日共依

題秦復堂編修使黔集

雲開銅鼓繡旂張天上文昌指夜郎不遣遺珠滋
竹泪獨杼老眼燦蒸光西清翰藻輝銀節南詔風
烟入綺囊此日珊瑚登鐵網黔山金箭滿門牆
鴻文十載重詞林萬里從添白雪吟荆豫山川歸
小錄卽錢風調有遺音卽看字裡纏綿意不負聞
中慘淡心找亦曩餘邀拂拭枯桐終媿紫瓊琨

題劉北堂泉州詞後

烏闌粉版墨痕新斫地悲歌豈是真
二十年前賦黃絹不堪憔悴有斯人

南唐北宋數名家覲樓頻繙小字斜
對山莊、百端集暗風吹雨落燈花

同王孟樓裴超然宋小巖過曹近微寓齋
次孟樓韵

圖書挿架漚叢殘壁上新題倚醉看
我輩詩情原旖旎翰林風味特清寒
一寬任尔生虛白九轉從誰問大丹
燭炮更闌還洗筆主人莫訝酒腸寬

秋夜阻雨宿陳東巖寶田寓中即事述懷

得五十韵

細雨淋遥夜書堂話早秋故鄉朋輩少却舍主賓
留勝會身宜健涼宵景更幽論文思見道談藝劇
忘憂傍晚陰雲合經宵薄霧浮俄聞聲浙滙忽送
響颺颺空外雷聲度庭前雨勢稠打窓過密陣平
砌濺浮漚颼、林方振濛、霜未收竹斜驚折尾
花重欲低頭冷氣浸窓棧懸流瀉瓦溝涼生青玉
案人在木蘭舟快啓薰封甕同傾白定甌冷、斟
短榼激、嚼圓喉桂蕊香爲釀藤花折當籌晶盤
漱雪藕玉椀迸珠榴老杯剗癭杓空枕鑿瘤諧

談工射覆調笑更藏閣玉漏籤初下銅槃泪欲流
逸情鴻戲海猛氣鵲辭韞耳熱翻悲遇顏酡轉並
愁幾人紆紫綬得路上丹邱珥筆趨裘關承恩扈
九旂玉樓栖翡翠金勒控驂騑宅第金張並勲猷
衛霍侔黑頭稱柱國白晳位通侯我豈終淹蹇躬
偏集悔尤功名輸貨殖面目類俳優固已同高叟
悲還效楚囚伊顏後願學管樂詎能儔抱璞空嗤
拙抄書每自讐祇應鉏芋圃但合老瓜疇且喜簪
同盍休傷命不猶交遊思魯國豪俠憶并州同舍
懷元白多情得應劉高談霏玉屑咲傲小滄洲好

句如珠走文心似繭抽新詞填綺調僻典費冥搜
氣概陳驚座聲名趙倚樓共彈流水操不惜夜光
投皎、雲中鶴悠、海上鷗共持鸚鵡杓便典鵲
鷺裘人物尊前盡烟雲檻外周晚颼吹落葉涼雨
溫寒湫秋至聲蕭瑟更長語謬悠茶香溫芥片篆
影裊銅篝席上空^希布校房中疊枕稠對床空有憶
卜夜竟何由聽雨情淒楚懷鄉道阻修聯吟渾不
寐遮莫類伊嘔

題表起

承

江帆夜月圖

國為施
靜波作

南州才子真詩豪百花洲上吟秋濤十載軟紅碾

雙轂滿湖烟月放歸橈秋水始波木葉脫纖雲不
動凝天末蟹舍魚莊望渺茫鷗波雁汊凌空濶七
尺蒲颿一夜風送君直到蠡湖東仙人鐵柱浮嵐
外帝子珠簾暮靄中萬里清光散香霧秋聲滿耳
君應賦烏桕亭、縱晚霜黃蘆瑟、搖寒露獨倚
危檣自斂舷画圖書卷米家舡都將破浪乘風意
付與披雲抹月邊草樹參差辨城郭落帆應向章
門泊故鄉好景足烟波公子聲名動寥廓茗柯山
人老画師手染松烟泛研肥圖將一舸乘潮去好
是名山挂席時我本東海釣魚客曷載空枻湖上

宅歸心竟夕，繞菰蘆涼月絲、照人白。

雨夜宿近薇寓齋，即題其詩冊次卷中韵。
墨雲葉、暗西山秋在濃陰暮，霜間清簾疎簾攤。
尺幅對床聽雨不知還。

支遁山前憶舊遊，吳楓橋下幾停舟。
客歲同寓吳山，
適遊西南
諸山樓鞋桐笠全拋却，夢隔寒江鷺與鷗。

初秋夜坐

小樓憑木末，寥汰晚天清。一夜涼風至，滿城砧杵聲。
殘星繫簷角，危葉下簾旌。客思正惻惻，雲中數雁鳴。

送余容宣歸山陰

垂柳初黃潞水濱
人生容易感離羣
十年抱卷君情我
一第還山我惜君
乘興祇應探禹穴
傳經重見績河汾
千巖萬壑曾經處
遲我扁舟泊五雲

會稽城東水門也

雨夜懷紫坪用蘇子由韵

西風涼夜蕭、雨殘葉翻飛
濺砌泥小閣下簾移
燭生虫聲四壁響淒淒

對床空有園中約
苦愛深宵聽此聲
忽憶山陰道
中日僧廬同話越
王城

少時與弟合繪風雨對床
十載以來踪跡南北

若相遊者去^數年春同遊會稽寓鏡湖僧接阻
而決句唯此^數者不負園中之約耳

萬壽雅歌

篤恭頌作觀也

天佑元、篤我我皇道稟二五純粹正中聖神
文武玉質金章既興神天受祿永慶宜民與人
皇德用昌懿我大清接旦重光 一章

厥德凝命克誠克敬協上帝之綽肅穆無聲園壇
居歆郁然清明載見烈祖感孚一氣神保饗之
俾昌俾熾既熾而昌亦罔敢居寧有寧其居惟德
之貞 二章

伊條伊枚匪雨露不膏伊幽伊遐匪陽不照我仁
仁膏之我知照之有魚者祇執中以導之如天如
神覆露則均

三章

如天如神佩服若士吉暉在躬縝密玉理惟冲惟
虛却鴻號弗居恢大圓孰得而名諸皇德
莫名名日以尊光^被垓垓馨香聞于天

四章

念典美日新也

古之齊聖為性為身誕我皇之齒學敦敏而益
勤集文雅之圃味道之腴堯傳舜受二典三

謨緝熙家法

皇敬則孚

一章

左圖右史日居月諸寸陰不曠惟萬幾之餘書則
宓詩則彼席重：筵肅：辟雖靈臺石渠天祿以
一貫三維我 皇之學 二章

黼繡青黃掌之鍾恍日星山龍象之衣冠裳 皇
思經緯細為文章元首卿雲紉縵其光函令蓋古
元氣泮：群工下風莫克廢且颺星之為字龍圖
負將刊之為碑岫嶠頽頽是曰天常紀綱乎八方
三章

之綱之紀文明大略藹： 皇多吉士國有學鄉有
校序庠鳴鶴在陰鳳皇嘒彼高岡皇心則喜笙簧

酒醴既養既教惟皇之所使四章

敷極樂太平也

皇風靈：曰求民之瘼皇猷丕：曰政無或紕六職
有司五物有書受之若谷省若虞機早而作夜思
是其所以無為一章

德音與中秩：疊：經經以井疆亦有室宇都：邑
邑以聚以處年：復除以鼓以舞長爾婦稚豚雞
特殺吾儕小民平世樂土廼畫刑章戒其無禮廼
訓禮節期于刑止化馳若神水下雲靡二章

時雨時暘時寒時燠時風若歲則大熟協氣嘉生

董為太平治象則成 三章

方春登臺樂觀富庶與民相見為民補助千乘萬
騎自天而下 皇省于山浮于河至于海邦命市納
賈太史陳詩觀民風榮光上燭指授宣房澄瀾
正鏡水波不揚載歌洋洋惟時永康 四章

耆定布大武也

昭我烈祖功銘烝彝鼎 皇恭大烈續緒惟永四塞
世至列貢篚函或以其實或以其琛或以其馬莫不
以其忱克成厥功克廣德心 一章

始也簡徒小醜孽蟲深入其阻元老壯猶繼也出

車閱之無盡劉執降渠魁睿笑則周皇者其武
忠信用章逆豎背德 皇謀則明 二章

蠱逆豎竄迷所之煽彼二酋倚為藩籬揚兵
之初內外咸疑天去逆豎西酋魄褫 皇斷自喪
組繫應指元戎轉戰盡決壁壘罪人斯得不費
鏃矢疆以戎索跨二萬里戎土我人自今伊始廟
獻所俘旌賞次舉人曰 皇武 皇曰天助 三章

屹笑崇壇 皇需近郊而師汛埽塵為膏官柳
依天驥跡如霆如雷如虎如貔大師旋歸命
曰勞酒既旨且有將士拜稽首無小無大或先

或後太史載筆仲春日吉

四章

尊養光孝治也

南陔循詩音歸潔養以天下養孰為之尚 皇朝
寢門溫請罔有曠載色載笑起敬不忘日鼎大可
觴瑞自天命

一章

有齋璇宮為天下 母蒼昊為佑生天地 主孝治
之章慈恩之普敬上徽音任如則有精璆寶冊
焜耀區宇徽音之懿孝思之抒徽音無極累積
穹崇惟德動天萬年並隆

二章

昔慶慈壽歲在協洽 皇闡五袞 聖母壽周

甲嘉錫士大夫仰流麟集甲科增開朱紫則拾于
今十年 皇壽五十孟陬渙大號慶典重及以頌
皇壽以上于 聖母 三章

聖母高高戢殺惟保永言保之以及人之老存閭
高年穀帛金錢紫綬帡車萬國長春樂以天
下錫類惟均 四章

純嘏祝眉壽也

穆之我 皇日之方升靡災不先靡善不中清寧
協拱眉壽崇增如景于形如響于聲 一章

鋪亢明銀笈見階莫榮觥兕獻呈玉環兮久

視長生誦金粟兮無量光明天保定之祝曰萬壽
萬春之慶百福之臻 皇敬於業夙夜基命宥
密知天事天惟孔思之是接 二章

稱壯句三日惟嘉辰律中南呂朱草彬、天皇麻
滋至美意延年封人之對公堂之躋抒忱祝釐通南
北東西 聖躬肅雝乃安而彌恭 聖量洞涵乃尊
而彌謙謙則福恭則壽德彌厚壽彌久 三章

爰有野老行歌郊扃嘉禾被靡芝秀同徵爰有疇
人握策布笑三光貞明日在酉建受福孔多受命孔
長微臣演雅敬上萬壽無疆 四章

秋夜寄吳山夫程邵泉

破窓理殘帙，遙夜剔秋燈。
雲外過鴻雁，天涯念友朋。
文章俱發越，意氣失飛騰。
為問名山業，牙籤幾層。

寄胡安公陳北泉津門次周霽亭韻

采葛情何限，停雲遠莫將。
幾番栽素札，相望隔橫塘。
同是羈栖客，全疎曩日狂。
津門波淼、何處賦懷鄉。

秋懷

西風搖落動秋懷
身世蒼茫感不才
故國蒹葭零露早
閑門鴻雁背霜來
消魂愁誦江淹賦
物色誰登郭隗臺
坐擁牙籤消永日
桂堂容易倒金罍

東朱三榆園

角枕斜拋斗帳偏
困人可耐晝長天
維摩不語拈花咲
病榻茶烟好悟禪

紙閣文窓養疾宜
藥匙苦爰玉纖持
鏡奩冰簟清於水
湏避涼颼輟画眉

九日陶然亭登高
同周青在稚圭裘超然
裘纘先畢秋帖葉子
山分韵得并字

西山如幃抱秋城佳日登臨眼倍明四野風聲殘
葉下一番霜信晚楓顙耨來勝地供吟賞難得詩
人此合并共倚闌干緩歸騎遠峯藹、暮雲生
仄逕清流取次行危亭立處與雲平咲拈栢子參
禪偈遠貰松醪試酒兵豈有好詩繼陶謝陶謝集
皆有九
詩未除豪氣似出并當筵莫訝騰、醉白雁聲高
動客情

九日陳東巖招集

南雁聲、咽晚烟故人高會啟芳筵閨門落日寒
雲重城闕秋深暮靄妍澆酒黃花陶栗里停車紅

樹杜樊川風前爛醉揮吟管墨瀟淋浪蘸錦箋

重九後三日同胡太初張云門蔣心畬袁

寶堂王孟樓施鐵如曹竹虛蔣辛仲集程

雲塘宗伯城南寓園次太初韻

虛亭高敞

敬

西城開輦下詞人幾輩來挿帽尚簪頭

上菊藏閨爭覆掌中杯尊前欲盡殘秋景眼底原

多曠世才醉倚紅闌舒遠眺夕陽一片女牆頽

四壁牙籤挿架陳佳辰常許叩門頻占來蕭瑟泓

崢地一聚歎寄磊落人未必採花真是識居然搗

蘼欲為春酣歌拓戟傳邊管庭外風來酒欲鱗

聞陳北泉抱疾將歸淮上

鴻雁一聲過秋雲淡似羅未知孤館客憔悴近如
何聚散憐飄蕩升沉感逝波聞君賦歸去吾亦夢
松蘿

題袁超然秋原射獵圖

涼秋山色圓平蕪寒空獵、嚴颼呼沙塲草白林
葉枯丹楓幾點搖霜株短衣快馬誰者後眼中之
人風骨殊龍文虎氣古稱羨此客無乃其選與玉
花雪色龍梭駒杏靨寶玦鞭珊瑚蹴雲逐電自空
下頓轡徐抽金僕姑六鈞不張意何暇射熊羆豹

徒區、擇因待尋九青兕、彎弧藝殪、獲於菟平生
自負射鵰手、橫槊雄視金馬廬、出入兵欄、直櫛陞
難剋、豹尾從容、趨疊、獲命中、今所無、雲白山青、傳
畫、固披圖、嘖、掀吟鬚、齧齧自咲、樊籠拘上林、賦
獵、讓君等、賽驢風雪、吾非夫

送家兄見田歸南昌

木葉翻飛、高雁度九月、寒霜點清路、揮手東華十
丈塵、歸舟天際迎江樹、吾家伯子宗之、郎三年直
講、傍紅牆、清時作宰、半文士、鬚分行矣、腰銀章、秋
來忽、動鄉思、抽身便欲、挿雙翅、歸興長懷、南浦

雲遠心待挹西山翠
西山南浦夢悠悠、此去家園
樂事稠江上鱸肥新入饌
甕頭春熟待添荔君行
應見淮山峻過我高堂問
食飯千里迢迢望白雲
西風一夜斑予鬢

和申拂珊少京兆賞菊

暇日賓綦集畫堂轉緣看菊意偏忙
劇憐秋盡花猶艷難得移根葉未傷
賞處宜燒銀樣燭尋時多
傍粉光牆當筵莫遣芳釀盡
昨夜風寒逗有霜
潔白凌虛絕點瑕淡黃含露綻新葩
愛看老圃秋容澹况對西山日夕佳
座有高賢成雅集詩傳好

句稱名花興來今日添佳會醉把茱萸未足誇

讀京兆疊韻之作再和二首

西涼浙、撼秋堂人對金英那更忙縱不言時終
是落便教飡去亦何傷賞宜晴日尋宜雨花在疎
籬影在牆高捲湘簾延素月不愁青女會飛霜
不著纖埃不染瑕傲霜得、放晴葩採盈把去真
堪玩挿滿頭歸亦復佳且喜尊前能盡醉未妨此
後更無花江南詞客題新唱勝事還漫座客誇

張灣驛館晤許竹人先生

意外相逢豁旅愁儼從大海眼浮漚暫停瀾洞風

塵轍一話蒼茫水國秋
喔喔荒雞啼屋角
殘蠟照床頭
十年何限升沉事
坐聽寒更語不休

次竹人張灣題壁韻

嚴城背水壯提封
西望層霄氣似龍
風景不殊經幾度
霜華如此又三冬
莫將去日悲來日
好換啼容作咲容
匹馬短衣渡河去
寒冰踏碎已千重

秦城故址

六王畢後金城建
四郡平來塞馬肥
可惜神仙呼不至
宮車空載鮑魚歸

鐵甕如山跡已湮
祇令烟樹尚名秦

秦城烟樹為秦州十景之一

誰知雉堞連雲日，輒道先看玉璽陳。

訪劉杞堂不遇

論交十載接清光，同奉西江一瓣香。命駕忽聞千

里去，風寒梁苑夜飛霜。杞堂銘於泉州開湯萼南學使移任熙中即日假裝

諸中州話別交誼如此不姚雲龍矣

寶坻西寺訪遼碑

石幢西畔古招提，六百年来此故基。坐卧經廊斜

日墮，手摸龜紐讀殘碑。碑石晶瑩如鑑建于太平五年文學龔可昇書

題閩中王孟旦泉州八咏詩冊

新詩入手艷琉璃，快讀爭彈蠟炬煤。海國山川宜

健筆八觀今見長公才

寶抵

漁陽舊鎮控幽并城上風來海氣陰紺宇石幢空

鼎顯碧潭寶鏡已消沉石幢寶鏡皆色中古跡甍塵艷說瑤

華島法界誰忝祇樹林我亦打已似行脚忍寒古

道試清吟

同祝豫堂周青在葉紫珊碩東田蔣辛仲

過新建夫子潞河官署分賦待雪詩拈得

增字

官閣連朝望眼凝密雲含雪掩芳牋輕陰不散風

微颺薄霧交橫冷漸增潤野待看滋宿麥點池好
與護春冰虛廊入手行吟久白戰當場客尚能
文園授簡意飛騰朔氣偏宜健筆凌簾額漸低林
霜重闌鈴不動曉寒凝潞河一夜冰輪合燕市明
朝酒價增玉樹瑤田歌上瑞幾番吟望倚窓棧
寒夜張六云門過邱寓情話竟夕感而成

咏

閣戶添爐火蕭然百感增惟教呼白墮相對擁青
綾以我愁難遣憐君病不勝談深銀燭盡寒月過
窓棧

題王澹人菊莊圖

瘦了奴子灌清泉秋在籬笆老樹邊一卷殘書數
枝菊南山不見也悠然

蕭疎風貌稱東籬寫出秋心倩画師管領寒香致
清絕不須辛苦買胭脂

秋花滿廷欄如銀幾度吹殘未損真留取素心貞
晚節知君原是此花身

曝日歌

繭窩縮瑟如僧枯寒肌起粟瘡生膚土堞竹爐圍
活火手撥殘芋面壁坐老天似憐我輩人紅輪還

吐東方暎微風不起野馬淨禿樹時聞寒雀喧獨
曝虛簷落吟弄玉壺不羨豚羔送已覺竒溫勝羣
裘居然柔暖融皴凍何必廣廈千萬間陽和自足
回歡顏但願三冬不寒常如此我欲持以獻天子

小除日即席呈裘少農夫子

深屋圍爐坐團圞話小年晴開新雪後景逼早春
前淑氣籠花盞歡情汎酒船一番添暖會不待藝
松烟

誦席溫如許纏綿款曲通殘年索遠思永夕坐春
風酒滿浮花碧吟成就燭紅栗梨供飽食宛與故

園同

除夕限五言四韵分得布字

爆竹響千門一夜陽和布桃符颺瑞烟柏子爇香
霧傳殘餞華年流光應少住送暖吹東風春生詞
客句

一年餘一夕轉惜等閑度芳讌陳椒盤羅列儼基
布韋侍扶風帳叨陪謝家樹紅燈照裁詩獨媿陽
春賦

七錄齋詩鈔卷九

山陽阮葵生吾山

折楊柳

相送臨高臺依依折楊柳
莫唱陽關曲且盡杯中
酒

送君苦不遠攀條澗水湄
不道離別苦惟言長相思

燈花詩

華閣敞芳筵釀飲坐以次
乍喜同譜俱渾忘旅蹟
滯燦一明燭光著花信瑰
異高跗叢玲瓏細萼散

金穗五重蟲錦臺四垂委雲帔瑩、何太喜得、
為表瑞應為才士徵詎闕天女戲呼僮戒勿剪對
客照無寐誇示不知顛茗芋竟成醉佇看上林花
春風盡得意

同表超然遊昆明湖

蔚蘭天氣日初晴十里沙堤輦路平咫尺神山飛
不到盈、一水隔蓬瀛

界畫亭臺繞畫闌金潭碧幃俯雲端分明小李將
軍画直似鴛溪絹上者

水木清華占好春玉橋西畔止遊人粉闌一帶迎

涼殿輸與金華侍講臣

玉甃層、劃漲痕輕烟軟絮漾晴暄不離紫禁東
華土疑入吳舫水上村

山下晴開教稼亭青疇處、勸春畊依稀桑柘田
家景隔隴遙聞叱犢聲

送周良弼歸禾中

臚雲名第記前辛爛時木家法于今誼倍親兩載
聯吟敦舊好一帆決計作歸人葡萄燕市同羈況
梅柳江南夢幾巡羨尔儗裝詩滿載不須惆悵皂
囊貲

棲遲官閣慰悲辛
棲萼風懷兩親謂青在古道

故應存我輩
不才何敢薄
令人放歌忽寄詩
裝疊

少住還添話
一巡襪被輕携
歸去好男兒
須識賤

非負

程晴嵐招集與秦劍泉學士紀心齋秦緒

堂編修吳二匏張吾溪中翰同作次韵

寸縑尺素綴屏端
好句如珠走玉盤
快讀儘教忘

夜永淺斟還與辟
春寒劇憐臭味芝
蘭馥信有胸

懷渤海寬我亦逢
場戲竿木試吟終
夕倚紅闌

春朝自書齋壁

畫簾筠閣度朝昏韶景關心又幾番綠滿苔階延
古意青歸柳葉逗芳痕連宵聽雨頻支枕二月禁
寒尚閉門讀罷殘編自收拾竹爐烟起試茶溫

周稚圭移居

蓬山隨地總清華雞犬圖書載戢車徙宅不離天
尺五到門直認路三义新居巷香籠茗鼎堆盈案
紙壁筠簾巧作家便欲就君分席坐儼然圓嶠泛
枯槎

爲天都汪用民題其先人雙忠雙節家傳
秋羅千里關犇蠻零陵山下湘水殷甲光鱗劍

花裂城門畫掩鼓聲絕黃山二士真豪雄不惜身
隨天柱崩耿、兩心誓赤日瘴江埋骨形影同傳
聞消息來鄉里取義成仁竟如此青史千秋重泰
山紅閨淚泪流鉛水長者收聲撫衆雖隻身撐柱
扶門閭幼者倉皇誓同穴欲向泉臺表奇節嗚呼
死易立孤難幼者應思長者言兩世風霜同素守
兩人冰蘖共清寒江上牽蘿補茅屋荻花慘淡鼓
蕙竹樂府猶傳寡鵠歌瑤函尚貯孤鸞曲我讀遺
編心黯然裴忠裴節幾人傳魏、白岳有貞石大
書誰為表豐阡

粵西舊牘不戒
于火未得遷旌

為楊子安題顏上契帖

顏上二石是

元^時人物前人言為褚河南書有二本真本

藏縣庫摹本真文廟中庫本碎於流寇曩

見德清蔡氏蓄一本是已斷者神光宛然

時耿耿胸臆間宋漫堂太宰謂庫本初榻

僅數紙紙甚粗劣既碎後又為一俗吏所

補乃大可憎子安所藏猶完璧也朱榻尤

希而可寶辛巳夏五過柳巷館中展玩竟

日時蘊隆方劇對之如一服清涼散也

古井泥乾夜有光誰從玉版認三唐無因榻潯輕

蟬翼費我連朝浣手忙

次蔣心餘韵送熊賓石葉子山歸南昌

締交得二子亦足張吾軍
延津合渡劍時時耀龍
紋劇慚燕雀賤而參鵞鵠
羣詩下東野拜硯爲君
苗焚豈惟文字契居然經
籍紆鞭心入芥子窮力
追皇墳心胸羅列宿眼眶
隘重恨幾踏東華土遥
睇南浦雲塲屋大失意風
塵惜勞筋感彼紅紗障
孤負黃卷芸謂子或以不戰退長往轉多欣謂肖
箏琶競繁響蘭茝嫌不芬
鉛刀誇善割閑却成風
斤掉頭不肯住抽身聊息
勤君行信勇決我懷益

紛紜一尊餞別意兩頰頰微曛高挂片帆穩打漿
歌秋蕢

東表超然時養疾僧寮

五里城南碧一彎訪君直到綠蘿間新蟬一樹日
方午香蠹半床人掩闔面壁有心參白足拈花無
語對青山書籤藥裡和衣饒清味消得遊人半晌閒

苦雨用王孟樓曾近薇倡和韵

閒倚僧樓望渺茫背城一帶水雲鄉頻驚屋漏忙
移榻為避霉痕不下堂苔葉有斑俱是暈桃笙貼
體訝生涼比隣聞有騎龍客蔣心禽苦雨詩斗畫
李靖騎龍語

科文篆滿牆

築壇分渠又栽家竹竿
欹側樹頭斜垂翎急過投
林鳥瞥眼俄驚赴谷蛇
天漏無人知鍊石壁穿何
地可囊抄經窻長日低頭
坐待覓蕨茅一把遮

僧寺對雨疊前韵

百端交集對茫茫
牢鑿護扉覓醉鄉
閑置儼如藏
複壁經行真欲戒
垂堂門前車覆青
油過身上衣
添白袷涼忙煞老僧
朝荷鍾菊苗淹沒偃東牆
偏仄情懷苦憶家
愁看浙瀝打憲斜
忽驚地裂雷
轟礮陡覺星流電掣蛇

隋寺幡竿被雷見說比隣

驚破柱有人兀坐讀懷沙連朝不識西山面長任
濛濛薄霧遮

枕上喜晴疊前韵

一枕華胥接混茫悠然來自黑甜鄉乍聞乾鵲鳴
庭樹重聽經魚響佛堂信有光明開障翳居然旦
夕判炎涼老天特地開晴旭紅日曛々耀女牆
經月跼趺住佛家祈晴幾寫綠章斜愁霖回首同
談虎復雨從來是画蛇乍喜湧輪懸海日莫提數
點似恒沙窓中重列層々岫不遣微雲一角遮

爲曹近薇題披雲採藥圖

背笠手長鍾直上披雲峯雲光帶遙嶽峭立青芙蓉
微逗細盤絡玉瀑鳴琤琮晴嵐撲衣袂翠靄侵
枯筇屏山三十六飛落襟袖中

方壺不可到仇池真有無躡屐踏茲嶺舉體凌清
虛茸、石髮細粒、松毛粗三秀紫芝髓九節青
菖蒲誰與入雲竇得、携烟鋤

夫君滄蕩人平生好奇服家居黃海間旦夕飲山
綠飛身上層椒挾背縱遐矚長鏐劇茯苓筠籃
窮菊欲訪茹芝翁不須躬負局

遊山如啖蔗味乃美於回好景在心目誰為染松

煤瑯琊令好手拂素工新裁烟雲致繚繞光景供

裴裊天台有宿約咲我非仙才

予向繪天台採藥
近歲題詩宸工

晴嵐病足杜門經月矣用少陵馬陸韻招

同人為文酒之會擬赴其約先荅以詩

髯公半生江海客東華偶列金門戟宦興從來薄

似雲高情依舊介於石素心爾我結松筠會面偏

教艱咫尺十日西風九日陰經寮空面老僧壁夏

秋寓居松
栢禪房

床床屋漏捲重茅滑滑泥深侵廣陌昨

宵快睹天氣晴冰輪潑眼清光射舉杯對月萬事

足忽捧新詩韵鏤玉擁膝微吟亦復佳杜門不出

寧侵辱任他搜步逞驕蹄未礙跼趺効駒促洗眼
無人到我曹忘形且自親僮僕蘭譜愁聞隣笛悲
新表遊然藁砧忍聽刀鐐曲子近有鼓折東遥傳魚
子箋造門待拄桃枝竹拚飲三蕉任拍浮破除萬
事須鄮淶東坡玉糝戒貪饕喔、湯雞怖戕戮

月下步至天月上人方丈

短衣赤跣足方外掉歌行月上樹生影風來鈴有
聲無多塵外地別是世間情偶作無生話因之契
妙明

秋雨不止次王潛人韻時寓居松柏禪房

秋霖續暑雨淋浪勢未已古剎浸層波聽經出雙
鯉耳聾隣牆仆目憊簷溜駛其來若有源其去竟
無委積漸入我堂一夜床十徙壁似僧繇破橋豈
黃石圯露處憐古佛雨濕哭新鬼梵堂自徘徊布
路無肘指不解彼大士微咲有何喜此愁方不禁
莫問江淮水

為董東亭題畫

落毫細染春蠻嫩枯墨能皴積翠濃他日買山須
彷彿結茅先揀物枝松

程邵泉以近詩見寄用卷中韵跋其冊尾

之子抱殊獨天懷特高潔
蕞殘苦校讐金石網遺
闕餘事為歌詩往、得清越古調駭時賢微言契
曩哲含毫意邈然落紙句超絕一卷絨京華風調
慎流別高燒銀蠟短坐曉霜鍾徹擊節寄高吟會
心當禪悅我情亦信芳把卷佇寒月

東王聿堂時方謁選至都門

朔風獵、馬行遲僧舍重來訪
舊知握手已驚三載別出山不負十年期
重挑銀蠟燈前話先索明珠袖裏詩
却捧牛腰粗一卷

時讀所著經說三十餘卷

循良從

古屬經師

送楊子安歸閩中

青瑩佛火叩禪扉，束帶陶公禮數違。
兩載東華教，刺促千峯朔雪送將歸。
急驅短騎行何決，便杜柴門計未非。
岳頂晴開仙掌色，羨君真得反初衣。

讀淮陰侯傳有感

信本無大志，淮陰壯士耳。
寄食人不憐，胯下已不恥。
晨炊輒復怒，一飯輒復喜。
一朝拜大將，咤叱風雲起。
貧兒驟焉當，自謂難堪矣。
區、食與衣厚，我感弗已赫。
為真王一齊願已止，功多胡不奪恩。
重詎足恃，伎倆本如斯。
安得不速死。

小除日同冰璜東岩淵如竹泉集晴嵐寓
齋次韵

間曹偶爾聚吟身燈火團團意倍親談劇不禁萌
故態尊前難得盡鄉人驚心歲月堂、去逐眼桃
符戶、新滿酌浮蛆消永夕與君同醉帝城春

除夕同于冰璜守歲

和風披拂動簷鈴土埴圍爐掩画屏香篆細紫千
縷碧紙窓靜擁一燈青情牽鄉國宵忘寐話到纏
綿酒易醒城鼓襲、春已至微聞綠萼破銅瓶

題歲兆圖

璘玢竹實綴瑤瑛佛國花開爾許明誰貌冰姿伴
髯叟却教老子頗移情

次韵荅聿堂借書之作

薄雪禁寒晝掩廬叩門有客為停車旁人未免嫌
癡絕底事還書更借書

題沈巨瞻追寫母夫人遺照

烏啼木落歲華徂紙上遺踪信有無
隨盡天涯遊子泪幾人辛苦為飢驅

精魂耿、傳毫素淚血冷、點硯池貌得慈容應
愴絕青裙白髮倚門時

慈竹斑、滿廷陰夕葵秋樹寫情深丹書繼比荆
關妙慘憺終憐孝子心

題韋約軒翠螺讀書圖

画園江上烟鬟堆有客讀書山之厓出山轉憶住
山樂如噉諫果味美回此景拋來在胸臆時、清
夢縈江隈画師好事染枯墨天門采石青崔嵬連
朝費我玉人展江山落手心眼開便欲從君卜幽
築底向輦紅挿雙足

春朝雪後

薄雪連宵落盈、著地輕柳梢粘粉絮麥隴綴瑤

雲霽後添寒色晴未聽雨聲祇應擘茶餅小試竹
爐烹

入直遲黃東亭不至戲東二絕

秘閣清嚴夕照沈宮鴉飛散晚寒侵詞頭忽下堆
盈案輸尔蕭齋擁膝吟

叉手遙聽畫漏聲一庭殘雪對空明飢來驅我君
知否底事天街款段行

次日夜直讀東亭壁間和詩疊韻二首

千門魚鑰夜沉、金碧觚稜皓月侵却訝黃公真
健者粗排官事更豪吟

東風吹送閨鈴聲獨對銀鐙照眼明便欲撫鬚吟
五字閉門終夕繞床行

爲秦澹初題其先人殉節遺命後無錫以秦

序貢除粵西富川今值李定國倡逆被執

不屈拘于幽室乃作遺命與諸子即自縊

遇救復甦賊挾之去登舟躍入泚水死于
潮轉徙兵間卒負骸骨歸江南遷旌典祠

鄉

王師昔日平瀰湘蜀川餘孽狼孤張李定國時將

名藩死綏四移檄定藩戰蒼梧千里陣雲黑堂堂

富水神明宰車師赴援氣真倍撫字勞心赤子知

慨慷罵賊紅巾駭倚劍空撐南壁天巖城一夜飛

狼烟投繯忽遣忠魂返江水長流戰血斑聞道當時初就義拜闕從容書數字行間慘澹漚悲懷紙上風霜挾生氣傳將消息遍種蠻孤兒愴絕嘗辛艱袖書復泪流鉛水負骨三秋返故山戎讀遺箋重歎歎褒忠聖代崇裡祀千載馨香傍碧山建山上惠一家父子輝青史祇今家法見文孫一卷封題蹟尚完芸香世寶揚先烈珍重忠臣孝子門

賦得春水船如天上坐和薊林夫子

二月湖光望渺然扣舷人在水雲邊潮平嶼潤帆如葉草暖鶯飛泊拍天紅雨曉迷青雀舫碧波暗

蕩綠楊烟此中定有長風送底用牙檣錦纜牽
江上蒲帆葉、偏綠波皺處漾清漣漲生遠浦平
於掌目送歸舟望極天白舫青簾情萬里鶴汀鳬
渚夢經年御風誰識瀛洲近便泛靈槎向日邊

喜晤沈秋厓

三年彈指夢江關燕寺相逢豁旅顏曲巷閉門聽
夜雨與君款一話家山

夜直即事次東亭留題韻

雨洗高天成晚霽風吹清漏度宮牆更番視草吟
紅藥取次看花到海棠飽飯脫衣橫短榻萬欲餘

韵繞空梁

送湯伊來歸杭州

蘭譜論交臭味諧一椽初占鳳城南
羈栖絕似尋巢燕僦屋還如共繭蚕
幾度眠床吟夜雨有時握麈緙高談
風懷爾許難為別柳色沉、染翠嵐

絕艷才華絕妙辭草堂留客共臨池

春仲王紫凝為予寫草堂

留客因諸君各有題識

忽泛官海添離恨偏向花時餞別卮

山下綠蕪頻夢遠曲中紅豆苦相思
盈盈十里明湖水羨尔抽帆到岸時

西苑入直同章二梧朱式山作

襖被同携出鳳城一鞭款段石隄平地連瑤島蓬
壺近人比冰甌雪碗清碧嶂幾層圍屋角綠陰一
院撲簾旌紅墻日落傳封事墨瀋濃揮玉版明

對月有感

南雁羣飛曳暮烟微雲不動晚涼天世間萬感生
今夕病裏三秋憶去年到耳風聲驚客夢傷心月
影照人圓清宵愁聽哀絃曲合眼從參物外禪

一日爲亡室邱孺人忌辰
見月圓亦孺人病中語

次韵答程邵泉

秋來池館涼雨洗高旻潔庭樹覆窻陰牆花護簷

闕隔巷傳新詩清音發疏越提唱得斯才風流飯
往哲語妙出天然句奇臻險絕胸無畦畛存味與
酸醎別皎、冰壺清冷、玉磬徹乃知文字諦亦
足理義悅幾番及緇紅箋指端現明月

觀東亭為葉蘭谷寫苑西直廬因爲題二
絕

禁苑東偏秘閣間濕雲如墨擁烟鬟興來小試生
枯管貌出簾前幾桁山

松濤竹雨偏饒韻蔓壑枝峰各自奇中有三人踪
跡在他時看畫更相思

蘭谷詩有他日相
思惟看画之句

題秦芝軒瑞芝圖

金彩繽紛蓋影重月華初映露華濃
靈根漫向人間覓生傍蓬萊第一峯

蘭樹森、艷謝亭為傳佳話徧西清
昌時正毓為霖望同譜芝房繼頌聲

送聿堂銜恤南歸

落葉經秋散麻衣似雪新送君無可語
未別已傷神滅性應須戒加飡好自珍
教忠有遺訓守此百年身

捧檄亦微願徧傷孝子心春暉凋暮景
秋雨稊悲

吟故國雲千里窮交涕滿襟
河橋執袂手愁絕碧波深

秋日過萬柳堂

沙明水曲抱回廊不見青條萬縷長
病葉蕭騷吹破壁輕絲零亂拂寒塘
更無客問平津館時有僧歸選佛場
立馬橋西重搔首百年耆舊感襄陽

送姜古愚南歸

論文風味藹芝蘭人海睽離忽五年
舊雨重傾燕市酒新詩快索嶺南篇
追陪雁侶嗟秋館惻愴驩
數賦別筵馬首却添仙伴好孫理園同行
雙鞭遙指碧

曼邊

觀王紫凝為王尹齋作畫

西山露朝爽落葉飛刺櫓秘閣坐清晝好事持素
練王生富邱壑洗研垂官簾一手拂珊瑚一手掀
枯髯主人奉墨斗風味殊清恬而我排闥入大言
何炎、指喝強解事妄庸君不嫌科陽下鷄鵲夕
漏遲銅籤髯生闌華語題識尔勿謙低頭忽屏息
鼠鬚吮失尖画理素駭昧欲語口如鉗

徐是第

胡亨震

同時補官國子次王蓬心

韵奉東

兩年同校上清書讀盡稱詩興有餘好句尚留紅
藥省賢聲已遍綠槐居六經三史為公事東序南
庠疊拜除何但紛論誇奪席諸公才調擅嚴徐

東王紫凝

髯公擣散氣如雲三絕聲華最軼羣經卷繩床老
居士管絃觴咏右將軍新詞忽漫傳裝疊緹飲懸
知罄十分昨日太牢供大嚼瘦羊風味遜夫君

將以國子官
陪引

春朝襍咏和金曉堂趙檢齋董曲江陳漁

湖倡和韻

占星已識荀陳信有閑人是貴人珂影珮歸
冊府引商流徵唱陽春裁將鳳紙書初就吟到梅
花句有神便有新聞傳輦下一時大雅唱酬頻
踪跡年、等斷蓬風光轉轂感應同入簾草色滋
新碧流水車聲殷軟紅點檢鶯花春未半崢嶸歲
序日方中山堂暇日留賓處莫遣清歌太劇匆
畫壁濃鬟想盛唐詩城酒國挹歡場輪蹄過耳誰
爭捷花木逢春競向陽文字任唾駝背腫衣冠爭
艷孔毛長隨身竿木原如戲醉寫新題濺舞裳
怪底仙人每好棲紫峯寓小樓憑欄幾覆掌中甌騎驢

誰指青郊路控鶴難尋碧海遊僕病祇應稱漫叟
君才何但占清流也思學步邯鄲好佳句終慚遜
李侯

丹鳳城南寄一椽傳聞好句足驚筵尊前青眼逢
公等鏡裡朱顏異少年託興偶思吟百一論文敢
謂字三千空憐結習消難盡酒碧燈紅又放顛
館閣聲華四海馳鳳巢爭占最高枝好將郢曲流
歌館莫遣吳鹽點鬢絲渺、家山空削劣茫、人
海任支離佳時且可談風月坦步雲霄合有期

七錄齋詩鈔卷十

山陽阮葵生吾山

過申芴山少尹時晴齋次韻作

老樹盤盤架數楹平泉花木舊知名

園爲汪文端公舊第偶

然闢宅羅佳勝難得開門巧合并客抱古歡懷舊

雨春含治思放新晴經過不少耽幽侶分付東風

自送迎

盆花庭草綠侵闌生意欣欣耐靜觀一把遮茅塵

鏡遠十年種樹古來難地因人重居偏易詩嬾春

和句不寒前輩飛騰餽綺麗墨池烟靄漾文瀾

新篇快睹問誰先
疊紙含毫有勝緣
他日買山思彷彿
暫來看竹致纏綿
林亭畢竟宜賢主
風月何曾費俸錢
賡唱祇令留日下
異時都作舊聞傳

徐松廬沈景初祝莊塘招遊法源寺看海棠

六街撲面吹香風
賣花老翁擔猩紅
招邀吟客討春去
步履遠追林外鐘
海棠一樹弄顏色
低亞初出經樓東
冶態似被曉陰勒
暖魂乍約朝烟烘
花前覓句呈古佛
花下開闕逢遠公
謂天月門帖丁寧戒攀折
道人也能憐芳踪
諸公好事亦奇絕
誰

將場屋闕心胸

明試禮部

拈花試叅色界色破睡一

語空門空浪浪墨彩蘸粉壁碧紗名姓爭相籠

送金篤齋陳調遠胡于臯邱沔川南歸

長安雨初霽携酒晚涼天送客金臺下停鞭一黯
然浮雲依去鳥落日帶新蟬酩酊不辭醉當筵欲
放顏

同學余年少華顛每自嘲鄉閭勞遠夢歲月悔輕
拋會合嗟飄梗升沉感繫匏君歸渡淮水爲我問
窮交

送秦鑑泉學士歸養

五色卿雲輝朶殿詞臣冊府承清燕珊樹頻聞入
網羅春暉千里勞瞻戀鸞書稠疊爛流霞天上新
詞補白華信知韓愈文章伯偏愛黃香處士家陳
情便拜金門疏天子原能鑒臣慤許脫朝衣換彩
衫快趨蘭幄辭芸署潞河水暖錦帆輕碧澣青天
鷺一聲珠樹蓬山歸老鳳玉堂喬木接新鶯公子
雕華重金馬繡袍歸著鴛屏下合扇身沾內府香
定情手蘸宮毫寫八月秋風六代山一家人指地
行仙琅函誰紀昇平瑞好入瑯琊盛事編

題紅樹秋颿圖送王少林歸寶應

秋水始波一雁渡秋聲滿耳從誰賦堤柳陰陰認
白田江楓點點搖紅樹一夜西風七尺颿荻花蘆
葉夢淮南盃池晴挽雙鬟翠甕社秋澄萬頃嵐王
子聲名動寥廓春來橐筆遊京洛三館偏遺曠世
才十年且蘊匡時畧我惜詞場失此人潞河東望
感音塵輸君破浪乘風興羨爾抽颿到岸身一時
酒盞憐同舍拓戟酣歌舞長夜相看歸思滿江湖
忽遣鄉心對圖畫君過山陽舊徑斜枚臯宅畔道
南家堂前垂白吾親在爲我晨飧一勸加

寄曹抑堂次魚門韻

清時偶作宰官身，拂袖歸來漫愴神。
茶筴藥鐺尋活計，園公溪叟結芳隣。
章江水碧流遺澤，燕市花紅感昔塵。
天與高閑聊健飯，便教金盡未爲貧。

題章二梧問花圖

乳鶯拍拍颺香塵，垞北溪南草似茵。
紅竝石闌春小住，綠遮錦幄夢橫陳。
半灣水暖輕羅綳，一桁山微古黛皺。
颺飈柳梢低拂地，倚船人見倚樓人。
玉簫吹徹彩雲高，十里珠簾碧一篙。
苔髮有情含露重，花鬢無力避風挑。
吟成山店低紅杏，愁對春韁冷絳桃。
莫遣金鈴驚曉夢，儘他翠羽自啁嘈。

送陳竹泉表弟之下邳廣文任

漫捲詩書聽擢歌錦帆東下指黃河馬陵翠幕官
簾靜枕舍陰森講席羅紅葉西風秋興早綠波南
浦賦心多送君祇益登樓感歸夢頻年繞薜蘿
五載平牽故國思東華塵染素衣緇宦情薄似秋
蟬翼鄉緒紛於雪繭絲離別最憐闕骨因行藏如
此各鬚眉勉旃經術傳家法知有春風被廣帷

送金紫峰南歸

晴帆拂拂水潺潺長夏風清楊柳灣通路亭前青
雀去宴花樓上白雲還波搖蓮渚侵隄綠裝疊菜

衣滿目班入省便教新夢穩
看來日較八磚間
美人遥睇碧雲岑
折柳都亭感不禁
江上題襟猶似昨
春明僦屋又於今
通門誼孰如君重對酒情
偏爲我深夜合花開人倚醉
數聲涼雨和蟬吟

送楊子安之任湖南並寄張吾溪朱伯練
鄧硯堂張慎修諸子

黃陵祠下秋草綠
日暮溪烟燃楚竹
去日兒童今已長
攔街更唱銅鞮曲
橘洲楓浦晚峰青
使君心迹江水清
印床風定鶴雙舞
苔閣月明琴一聲
滿湘故人餘幾輩
年年客夢繫江瀨
長安葉落送君

行客心飛越重湖外

題邵蔚田杏花春雨照

燕子歸飛野梅落杏紅一色鋪叢萼粉粘露朵膩
雲鱗香亞烟梢弄雨脚雲衣片片雨絲絲二月江
南錦作泥一逕苔侵屐痕破十分春壓笠檐低玉
堂苦憶年時景校書坐對官簾靜夢裏風吹杏粥
香醒來日麗花磚影歸心無那繞林塘圖畫誰傳
碎錦坊此景不殊蘇玉局他時爭說段文昌

題袁實堂南湖草堂圖

昔歲僧廬同戢影聽君細說南湖景聞有茅齋烟

水間窻中岫列春山靚今年又作長安居一卷示
我草堂圖雲嵐滿紙青無際玉筍瑤簪積翠鋪翠
微岩下幽人宅面面湖光對新碧一棹誰移載酒
船一筇更著登山屐讀畫看山無限情平生低首
謝宣城十年幸托雲龍契便欲移家傍敬亭

送程晴嵐歸淮上

烟外蒲帆錦纜牽朝衣爭映彩衣鮮新詞愛譜朱
華曲好景心闌綠橘天秋早恰逢鱸熟後客歸剛
在雁來先一尊捧入蘭帷裡話到蓬山境似仙
投契頻年逐唱喁每從文字寄歡娛一燈共讀歸

田錄四庫分披絕塞圖予與晴嵐同幕西域方畧官味澹於參
玉版交情醇比啖松腴青門怕聽陽關疊多恐新
霜點髮疎

蔣澄川招遊二閘不果詩以促之

西風吹碎葉聲乾尺五城東野水寬大好秋光遲
放棹一番新雨又增寒勝遊絕稱提壺徃佳日同
來拄笏看彷彿江南三泖上丹楓紅柏點晴濶

中秋夜直即事

清漏沉沉下建章坐看天上好秋光銀河浪滉紅
墻濕珠斗寒侵碧瓦涼知有故人同望月嚴東有亦宿直

中閨惜無侍史爲添香夜闌宮餅頒朱邸十字刀分

任飽嘗

裕卿惠餅

寄劉蘭陔即題其畫卷

兩年紅旆指星沙目送衡陽雁字斜風貌蕭疎傳
畫手江山管領屬詩家護輪草暖春行部卧閣花
深晚放衙我亦三湘舊遊客披圖還夢洞庭查

九日顧北墅招集次趙損之韻

雨過高亭淨洗塵玉山堂外駐雙輪爐香蘊藉依
荀令籬菊蕭疎似晉人愛聽秋聲忘夜永絮陳鄉
語倍情親此間便抵醇醪醉更啟清尊賞令辰

縹瓷古盞絕纖塵三雅更番以次輪小戶當場方
怯我兩軍捐鉢慣驚人相看此會身俱健幸托同
曹臭並親何用登高蠟雙展方知風雨稱佳辰

戲爲艷體題友人卷子

紅暈垣衣綠綳瀾屏風斜舞霧仙仙篆浮寶鴨香
愁觸磴宿文鴛影並憐柳檻畫長初過雨蓉塘秋
占已涼天繡床冰簟凝如水遮莫簾邊墮翠鈿

題葉蘭谷大觀山房讀書圖

大觀好山色崢嶸城之隅朝靄滴濃翠夕嵐浮紫
虛虬枝冠蒼嶽鱗爪時撐挐濤聲出天外謾謾驚

雲衢下臨大瀛海萬頃銀光鋪星島互環列巨帆
一葉如山光動海色蒼茫思太初主人烟霞癖山
椒工結廬丹荔蔽簷角龍目窺窓䟽挿架數萬軸
牙籤分部居佳日手一卷相與讐焉烏有時得妙
契松吹落庭除此景忽拋擲懷之三歲餘東華輦
雙轡朝趨秃尾驢焚香退小閣時時清夢俱何當
脫身去飛躡入畫圖

題王振西行春圖

春垌小隊趁晴朝溪叟園公到處邀爲訊桑麻兼
韭稻一鞭爭惜馬蹄遙

莒葉初釵柳乍絲一聲布穀喚林枝
擔鋤荷笠村
村路盡出儲韋襍興詩

紅梯斜出古牆頭桑葉陰陰雨後柔
椎結布裘南
陌上筠籠初試桂枝鉤

溪流漱玉澣袍紗款款行春白鼻騮
烏犢傍犁
食葉不誇懷縣一城花

戲和曹劍亭咏桃核念珠

榧子菩提似也無勻圓磨礪製形殊
分明度索山
前種幻作摩尼掌上珠智果通時同
寶筏仁心轉
處識迷途誰從百八聲中悟瑤海三
千一隙駒

北元
六後
日一夜

招集吳冲之程魚門趙損之沈景

初陸耳山即席成句

節序春風近落燈開軒偶爾聚佳朋
韭盤細縷霜畦玉菜甲重挑雪窖冰
月影縱輸前夕滿詩情恰比昨宵增
筯頭臘酒餘多少賈勇還能盡十升

題趙四峯太守望雲圖

垂巖栢子森藉磴苔花爛上有春空
雲藹藹展天半夫君古孝子對此增
三嘆損令寸草心千里餘瞻戀堂前
鬢景皤衣上線痕綻凝睇故山青紆
鬱中懷亂畫手工寫生枯管精神煥
中有至性存漫

等丹青玩

送姚姬傳歸桐城

丰度分明照玉山上林奪得錦袍還
匆匆又逐離雲去句裏銷魂未易刪

病起維摩瘦不支春風吹送布颿遲
臨歧贈與加餐意多省青山少賦詩

題春郊試馬圖

春郊草綠春山妍落英滿空胡劇顚
誰乘欵段傍水出玉駟雪色金連錢
潑眼韶光正駘蕩覓句從來宜馬上
手把珊瑚緩轡行獨叩銀鞍發清唱
羨

雨翩翩英妙姿風貌圖成倩畫師長安三月花如
錦待雨春風得意時

李貞女詩 李氏名玉止金溪人

一片金罍月影涵江水清小窻調瑟處弱歲斷釵
情惻愴黃輿路悽涼素幕行八年抱幽恨愁聽玉
簫聲

小雨

小雨忽成暮閉門空復情炊烟騰屋角花氣撲簾
旌舊雨憐星散新愁似水生打窻聞浙瀝支枕夢
難成

題曹劍亭松泉書屋圖

滿耳濤聲沸淙淙漱玉泉高人託幽尚一把寄松
顛放眼延秋興憑闌眺遠天紅塵飛不到合賦小
遊仙

題昆明黃孝子家傳

江夏餘門望艱危類次翁紅巾銷襖盡白首得歡
融鳩影扶筇竹烏啼繞墓楓表閭盡雙楔累葉仰
清風

三月廿八日偕諸申之王詒堂吳容堂王
偉人曹竹虛李珙國泛舟城東遊王氏園

亭分得簪字

歇馬郭門外放船臨風潭雨霽駢新漲日暖浮晴
嵐板舵響鴉軋浸水天蔚藍泥融燕子喜柳顰鶯
聲慙桑葉短於薺荻芽抽如簪五里一置牖飛瀑
懸層岷繫纜復解纜舍舟日凡三九九栢子逕鬱
鬱松花龕曲磴入老圃鼻觀香風馥陂陀碧蘚馱
洞壑蒼烟含欄檻互欹倚蠨蛸絡盤髮昔賢有題
額故事猶能諳門中有彭義先生舊額主人征海去冷客窮
幽探好事隨前輩携幼聆清談詒堂偕行軟紅苦微
逐此景良足耽夕陽墮城闕薄暮鳴歸驂有約更

提榼閣題矜研覃

望山相國七十初度

珠幢來自大江濱，紅藥香中受祉新。
秘閣親承隆主眷，黃扉特晉贊王綸。
雲霞瑞耀圖書府，日月榮滋斗岳身。
龍馬精神兼壽世，沙堤築處紀生申。
韋平家學應昌期，玉殿重光舊鼎彝。
九列人誰齊行輩，兩朝望早卜台司。
文章鳳閣鸞臺重，姓氏兒童走卒知。
中外歡聞司馬相，待調元化洽雍熙。
溟海秦關擁閭旄，東南半壁德星高。
麒麟才望文三篋，龍虎威名武六韜。
日暖油幢開幕府，風清鼓

角靖江濤翠華幾訊旬宣績處處甘棠頌雨膏
畫錦堂連尺五天紀名是佛望如仙笙吹鳳觥傳
宮曲尊瀉龍頭撤御筵晚節彌香韓魏國立朝不
負陸忠宣楷模只並靈光古平格從來壽自天

符幼魯舊藏梅花研楊子苑仙見而作歌
查儉堂太守愛苑仙之才妻以女幼魯即
贈研爲聘且圖焉題贈遂夥予亦繼作
琢就琳腴潑練光絀奩添得紫雲香才人一曲梅
花引不用吹笙學鳳皇

花影娟娟鬢影嬌東窗紅日腐煤調玉臺好試珊

瑚管鏡裏春山著意描

題周幔亭居後得泉圖

柳躡桃花殷夫君著書處十載不窺園跡踈山下
路求水夜扣門灌花曉斟露誰知屋東頭泉出甘
於澍從來仙儒居往往精靈聚便思注水經好與
安茶具

方外有畫師藏頭南朝寺點染泉香圖氤氲肯春
麗一奴挈井纜手濺跳珠沸一奴擔而趨似有行
脚意一奴扇竹爐箕坐挽雙髻主人愛客話傲倚
南窻寄何當挈瓶來共評在山味

憶家山詩

予家城西老屋三百年舊居也曾王父鶴緌
徵君增闢小園極城市山林之致百年來人
事代謝半屬他姓長亭水榭盡長菰蒲時來
鳬鷗出沒耳南莊曰藍邱草堂東村曰夏雲
草堂先徵君春秋往來課畊觀穫歲必數至
入之歌詠不下數百篇予童壯時兩莊已易
主遊憇園中一邱一壑猶有存者暇日追話
先業彷彿記其二三各詠小詩志其遺蹟如
說前因昔夢徒益悵惘而已

西圃

先人就小隱辟疆寄佳抱城西十畝園塍外一水
遶菜圃區沙棱芭籬編礪篠四時不斷花三選自
芟草溪友供蒲茭園官送壺棗秋菰與春韭滋味
故園好

小山

雙峰立牆角當樓愛綠淨有如兩美人臨窻對明
鏡籠月石氣清過雨石紋瑩縐瘦繡苔岑曲屈踏
蘿磴老桂吹古香花落人自靜縱有佳客來不掃
花間迳

冬青樓

竹裏登高樓紅闌俯木末曲廊通小山斜梯補山
闕窗外覆清陰一樹冬青拔葉大搖清風枝疏漏
涼月挿架饒蕞殘粘壁足翰札上有高吟人風流
詎消歇

石橋

小山迤^連西行一泓截崩岸緣溪苐帶紅澄潭浸鐵
色危杓橫斷以齒齒壘亂石蒲蘆錯雜栽齒蘂太
淩藉水軒納新涼花開間紅白爲憐曉露馨倚闌
拄藤策

毀棗軒

一株拔地起上與簷脊齊一株卧槎枒橫出古墻
西八窗啟虛室匝步清陰低歷屋記纂纂兒時緣
桑梯舊逕莽豐草雙幹撐參差摩挲誦遺詠太息
攀枯枝棗樹二株高王父綺巖時自隣家墻頭
移栽徵君詩集中有撲棗篇述先澤也

松石齋

溜雨松毛粗滴露石皮細蕭然一邱間宛爾六朝
意家塾開書堂子舍聯講肆對床安几研小閣儼
清閤午夜聞書聲林間纖月墜徘徊尋往踪風流
若爲繼

老槐

悄立薤畦側 荒荒起塵礚 此地有高槐 孤圓罩青
蓋 直上二千尺 影落高城外 周遭蔭五畝 數里嗅
芳馥 夏午坐幽陰 秋宵送爽籟 布席容百人 徃徃
富文會

經堂

徵君學道人 晚歲耽禪悅 秘室藏山均 曲逕踰塙
缺 當門甃古井 潭潭浸寒雪 烏皮供黃磁 清言霏
玉屑 功課付茶鐺 愜外松烟爇 故跡不可求 欲話
信饒舌

修竹廊

步屣經堂東曲廊白茆苦四圍竹蕭蕭半日行綠
暗界立萬竿青生孫互移蔭荀茁貓頭粗籜解麂
皮艷高節鏤小詩前輩題名占仁廟初年文社甚盛竹竿遍錫名流之作歲暮段而歲之秦雲九徐果亭邱南齊彭方洲諸先生題名予猶及見也蕩然掃地
無懷舊悵蓄念

自吟亭

亭外秀花竹亭中富圖史抱卷日吟哦得句書小
紙細若蚊脚微粗與牛腰比遺響溯宗風道腴挾
奧旨高歌動鬼神格調叶宮徵殘帙尚珍諸藏山

逾五紀

先微君自吟亭詩稿甚富查初
白先生梓行本十之一二耳

藍邱草堂

驢背挂短轡言過城南迤邐三十里夾岸栽春
藍草堂面流水斷約通魚菴水田學僧衣朝朝浮
溪嵐春雨麥莢秀秋風稍香菴柳枝誰手挿臃腫
而盤髮

夏雲草堂

結茅東溪村落成正午日當戶湧晴雲奇峰自層
出卷舒信無心變幻態匪一遙從海上來氤氲統
我室隣翁送酒盆稚子拭絢帙緬想鶴髮人悠悠